



Broj: T18 0 KT 0017781 24
Brčko, 23.09.2024.godine

OSNOVNI SUD BRČKO DISTRIKTA BiH

Na osnovu člana 35. stav 2. tačka i. i člana 226. stav 1. Zakona o krivičnom postupku Brčko distrikta BiH, p o d i ž e m

OPTUŽNICU

Protiv:

T. T. (...)

Što je:

Dana 16.06.2024. godine oko 18,40 časova u Brčkom, duž ulice Mostarska, na regionalnom putu oznake R-460, tokom sunčanog dana sa dobrom vidljivošću, upravljala putničkim motornim vozilom marke "VW T -Roc" registarskih oznaka ..., krećući se u pravcu centra grada, pa dolaskom svojim vozilom u blizini objekta firme d.o.o. "SiimBa", na preglednom i u većoj dužini pravom putu, a u momentu kada se iz suprotnog smjera kretala E. H. koja je upravljala motornim vozilom marke „Mercedes“ registarskih oznaka ..., olako držeći da neće doći do saobraćajne nezgode, odsustvom dužne pažnje i nedovoljnim praćenjem jednostavne saobraćajne situacije, tokom upravljanja vozilom postupala suprotno elementarnim saobraćajnim propisima propisanim odredbama člana 39. stav 1. i 2. i člana 55. stav 1. Zakonu o bezbjednosti saobraćaja na putevima u BiH, pa je T. svojim vozilom, a neposredno prije samog mimoilaženja sa vozilom "Mercedes", prešla na svoju lijevu kolovoznu traku u visini središnjeg dijela te trake, kojom se kretala vozač vozila „Mercedes“ iz smjera Brčkog u pravcu Cerika, propuštajući da se pravilno kreće svojim vozilom desnom stranom kolovoza u smjeru kretanja, kao i da pri mimoilaženju sa svoje lijeve strane ostavi dovoljno rastojanja u odnosu na vozilo sa kojim se mimoilazila, što je sve dovelo do toga da je lijevom stranom svoga vozila naletila na lijevu stranu vozila "Mercedes", nakon čega je došlo do zanošenja "Mercedesa" i pored toga što je E. svojim vozilom pokušala izbjeći udar sklanjajući se vozilom na trotoar, te usljed ostvarenog direktnog sudara točkova navedenih vozila izazvana je rotacija zadnjih dijelova vozila udesno do god se nisu zaustavili, pa je usljed toga kod vozača E. H. prouzrokovan prelom lijeve lakatne kosti-ulne što predstavlja tešku tjelesnu povredu, te istegnuće vratne kičme u vidu lake tjelesne povrede, a na oba vozila nastala znatna materijalna šteta

dakle, kao učesnik u saobraćaju na putevima koji se nepridržava saobraćajnih propisa i time tako iz nehata ugrozila javni saobraćaj dovodeći u opasnost život ljudi, zbog čega je kod drugog nastupila teška tjelesna povreda

čime je, počinila krivično djelo – Ugrožavanje javnog saobraćaja – iz člana 326. stav 3. u vezi sa stavom 1. Krivičnog zakona Brčko Distrikta BiH

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.
